

ერთის მხრივ, ახალციხის მუნიციპალიტეტის თვითმმართველი ერთეული (ქ.ახალციხე, კოსტავს ქ. №18), წარმოდგენილი მერის ზაზა მელიქიძის სახით შემდგომში "შემსყიდველი" და მეორეს მხრივ შპს „ნიუ პროექტ NEW PROJECT“ (მისამართი: ქ. ახალციხე, სულხან-საბას ქ., კორპ. №13, ბ.7, ს/კ 424065736) წარმოდგენილი დირექტორის დავით ჩაჩანიძეს სახით, შემდგომში „მიმწოდებელი“ ვხელმძღვანელობთ რა სახელმწიფო შესყიდვების კანონმდებლობისა და მიმწოდებლის სატენდერო წინადადებით №SPA170013816 ელექტრონულ ტენდერში „ქალაქ ახალციხეში, საცხოვრებელი კორპუსების სახურავების სარეაბილიტაციო სამუშაოების უზრუნველყოფაზე“, შესყიდვის კატეგორია: (CPV 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები) ადგილობრივი ბიუჯეტის სახსრებით, ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 "ხელშეკრულების ღირებულება" - საერთო თანხა, ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3 "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 "მიმწოდებელი" ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას სახელმწიფო შესყიდვის შესახებ;
- 1.5 "დღე", "კვირა", "თვე" - კალენდარული დღე, კვირას, თვეს.
- 1.6 "სამუშაოს შესრულება"- ხელშეკრულების მე-2 მუხლით გათვალისწინებული ხელშეკრულების საგანი.
- 1.7 "ტექნიკური დავალება"- №SPA170013816 ელექტრონული ტენდერის სატენდერო დოკუმენტაციის ტექნიკური დავალება.
- 1.8 "ტექნიკური დოკუმენტაცია"- მიმწოდებლის მიერ №SPA170013816 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 "შემსყიდველმა"- ახალციხის მუნიციპალიტეტმა გამოაცხადა ელექტრონული ტენდერი №SPA170013816 „ქალაქ ახალციხეში, საცხოვრებელი კორპუსების სახურავების სარეაბილიტაციო სამუშაოების უზრუნველყოფაზე“ და მიიღო წინადადება შპს „ნიუ პროექტ NEW PROJECT“-ისაგან აღნიშნული სამუშაოების შესრულებაზე, შემდეგ თანხაზე: 31999,97 (ოცდათერთმეტი ათას ცხრაას ოთხმოცდაცხრამეტი ლარი და 97 თეთრი) ლარზე.
- 2.2 ხელშეკრულებით გათვალისწინებული მომსახურების დეტალური აღწერა მოცემულია ტექნიკურ დავალებასა და პრეტენდენტის მიერ წარმოდგენილ ტექნიკურ დოკუმენტაციაში, რომლებიც ქმნიან მოცემულ ხელშეკრულებას და წარმოადგენენ მის განუყოფელ ნაწილს.

3. სტანდარტები

- 3.1 ხელშეკრულებით გათვალისწინებული შესასყიდი სამუშაოები უნდა შესრულდეს ჯეროვნად საპროექტო დოკუმენტაციის, მოქმედი სამშენებლო ნორმებისა და წესების, მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად. წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

4. ხელშეკრულების ღირებულება

- 4.1. ხელშეკრულების ღირებულება შეადგენს 31999,97 (ოცდათერთმეტი ათას ცხრაას ოთხმოცდაცხრამეტი ლარი და 97 თეთრი) ლარს, დამატებითი ღირებულების გათვალისწინებით.
- 4.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით გათვალისწინებულ გადასახადებს.
- 4.3 ხარისხის კონტროლის თანხა შეადგენს ხელშეკრულების (შესრულებული სამუშაოების) ღირებულების 10%-3200 (სამი ათას ორასი) ლარს.
- 4.4 წინამდებარე ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებულ შემთხვევებისა.
- 4.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში

დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. შემსყიდველის მხრიდან ხელშეკრულების შესრულების კონტროლს განახორციელებს **სახელმწიფო შესყიდვების კონტროლის მიზნით შექმნილი ინსპექტირების ჯგუფი**.

5.2 იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

6. შესასრულებელი სამუშაოების გაწევის პირობები

6.1 შესასრულებელი სამუშაოების აღწერა: **„ქალაქ ახალციხეში, საცხოვრებელი კორპუსების სახურავების სარეაბილიტაციო სამუშაოები“**

6.2 სამუშაოების შესრულება განხორციელდება მიმწოდებლის სატენდერო წინადადებაში ასახული გეგმა-გრაფიკის მიხედვით (დანართების №3-5 შესაბამისად, სამუშაოების დასრულება უნდა მოხდეს ხელშეკრულების გაფორმებიდან **2018 წლის 12 იანვრის ჩათვლით**) შემსყიდველი და მიმწოდებელი ერთობლივად განიხილავენ გეგმა-გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გეგმა-გრაფიკში სათანადო ცვლილებები.

6.3 ხელშეკრულების დამდებ არც ერთი მხარეს არა აქვს უფლება შეიტანოს გეგმა-გრაფიკში ცვლილებები მეორე მხარესთან შეთანხმების გარეშე.

6.4 **ქალაქ ახალციხეში, საცხოვრებელი კორპუსების სახურავების სარეაბილიტაციო სამუშაოების განხორციელება უნდა მოხდეს, შემდეგ მისამართზე: ქ. ახალციხე, ილია მართლის ქ. N20 და დიდიმამიშვილის ქუჩა N 6;**

6.5. ხელშეკრულებით გათვალისწინებულ ობიექტზე მიმწოდებელმა უნდა აწარმოოს სამუშაოთა წარმოების ჟურნალი.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება მოხდება შესრულებული სამუშაოების შესაბამისად ეტაპობრივად.

7.2. შესყიდვის ობიექტის ეტაპების მიღება-ჩაბარება მოხდება **სახელმწიფო შესყიდვების კონტროლის მიზნით შექმნილი ინსპექტირების ჯგუფის** მეშვეობით შემსყიდველის მიერ შემუშავებული სამუშაოების მიღება-ჩაბარების აქტის, ფარული სამუშაოების აქტის (ასეთის არსებობის შემთხვევაში), ფაქტიურად შესრულებული სამუშაოების მოცულობების მიღების აქტის ფორმა №2 გაფორმებით, რომელსაც თან უნდა ერთვოდეს შესრულებელი სამუშაოების ანგარიში(შესყიდვის ობიექტის დაწყება, მიმდინარეობისა და საბოლოო შედეგის დასურათების წარმოდგენა 3 ეგზემპლარად, ელექტრონული სახით- CD დისკზე).

7.3 შესყიდვის ობიექტზე შესასრულებელი სამუშაოების ეტაპების დასრულებამდე საორიენტაციოდ ერთი კვირით ადრე სახელმწიფო შესყიდვების კონტროლის მიზნით შექმნილი ინსპექტირების ჯგუფი ახდენენ ობიექტისა და შესრულებული სამუშაოების შემოწმებას, გამოვლენილი ხარვეზების დაფიქსირებას და ადგენს ვადას მიმწოდებლის მიერ ამ ხარვეზების აღმოსაფხვრელად, რაც ფორმდება შესაბამისი აქტით.

7.4 შესყიდვის ობიექტის ბოლო ეტაპის მიღება-ჩაბარება მოხდება **სახელმწიფო შესყიდვების კონტროლის მიზნით შექმნილი ინსპექტირების ჯგუფის** მეშვეობით შემსყიდველის მიერ შემუშავებული სამუშაოების მიღება-ჩაბარების აქტის, ფარული სამუშაოების აქტის (ასეთის არსებობის შემთხვევაში), შესრულებული სამუშაოების მოცულობების მიღების აქტის ფორმა №2 საფუძველზე.

7.5 **საბოლოო მიღება - ჩაბარების აქტის გაფორმებამდე მიმწოდებელმა საკუთარი ხარჯებით უნდა წარმოადგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის დასკვნა სრულად შესრულებული სამუშაოების შესახებ, ბოლო ეტაპის მიღება-ჩაბარების აქტის გაფორმებიდან არაუგვიანეს 35 სამუშაო დღისა.**

7.6 შესყიდვის ობიექტის ბოლო ეტაპის მიღება-ჩაბარების გაფორმებისთანავე თუ ობიექტზე არ არის შენიშვნები ფორმდება ობიექტის დამთავრების საბოლოო მიღება-ჩაბარების აქტი, შენიშვნების არსებობის შემთხვევაში ობიექტის დამთავრების საბოლოო აქტი ფორმდება შენიშვნების აღმოფხვრის შემდეგ.

7.7 შესყიდვის ობიექტზე შესრულებული სამუშაოების დასრულებით და ხარვეზების აღმოსაფხვრელად საჭირო ვადის გასვლის შემდეგ **სახელმწიფო შესყიდვების კონტროლის მიზნით შექმნილი ინსპექტირების ჯგუფი** დაინტერესებულ მხარეთა წარმომადგენლების შემადგენლობით, ობიექტის დამთავრების საბოლოო აქტის გაფორმებით ახდენს შესრულებული სამუშაოების საბოლოო მიღება-ჩაბარებას.

7.8 სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 10%, რომლის ანაზღაურება მოხდება სამუშაოს სრული დასრულების, სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის დასკვნის წარმოდგენის და შემსყიდველის მიერ შექმნილი სპეციალური კომისიის მიერ შედგენილი ობიექტის საბოლოო მიღება-ჩაბარების აქტის გაფორმების შემდგომ იმ შემთხვევაში, თუ კომისიის მიერ აქტის შედგენისას დაფიქსირებული

იქნება შესრულებული სამუშაოს ნაკლი ან უხარისხობა, მიმწოდებელს აღნიშნული თანხა არ აუნაზღაურდება დეფექტების გამოსწორებამდე.

7.9 მიღება-ჩაბარების აქტში (სულ ცოტა) მითითებული უნდა იყოს:

- შესრულებული სამუშაოს დასახელება;
- შესრულებული სამუშაოს ღირებულება;

8. გარანტია

8.1 მიმწოდებელი იძლევა შესასრულებელი სამუშაოს საერთაშორისო სტანდარტებისადმი შესაბამისობის გარანტიას.

8.2 შესრულებული სამუშაოს საგარანტიო ვადა არის 5 (ხუთი) წელი ობიექტის საბოლოო მიღება-ჩაბარების აქტის გაფორმების დღიდან, რომლის განმავლობაშიც მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული სამუშაოს ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.3 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

9. ანგარიშსწორების ფორმა და ვადები

9.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

9.2 მიმწოდებელთან ანგარიშსწორება მოხდება ეტაპობრივად, ხელშეკრულებით გათვალისწინებული შესრულებული სამუშაოს მიღება-ჩაბარების აქტის, ფაქტიურად შესრულებული სამუშაოების მოცულობების მიღების აქტის ფორმა №2 და შესაბამისი საგადასახადო ანგარიშ-ფაქტურის საფუძველზე.

9.3. ბოლო ეტაპის ანგარიშსწორებისას მიღება-ჩაბარების აქტის ხელმოწერისათვის მიმწოდებელი წარმოადგენს მიწოდებული შესრულებული სამუშაოს შესაბამისობის დოკუმენტს (ფაქტიურად შესრულებული სამუშაოების მოცულობების მიღების აქტი ფორმა №2), და შესრულებული სამუშაოების ანგარიშს და ფარული სამუშაოების აქტს (ასეთის არსებობის შემთხვევაში).

9.4. სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 10%, რომლის ანაზღაურება მოხდება სამუშაოს სრული დასრულების, სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის (შეთანხმებული შემსყიდველთან) დასკვნის სრულად შესრულებული სამუშაოების შესახებ და შემსყიდველის მიერ შექმნილი სპეციალური კომისიის მიერ შედგენილი ობიექტის საბოლოო მიღება-ჩაბარების აქტის გაფორმების შემდგომ იმ შემთხვევაში, თუ კომისიის მიერ აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, მიმწოდებელს აღნიშნული თანხა არ აუნაზღაურდება დეფექტების გამოსწორებამდე.

9.5. წინასწარი ანგარიშსწორების თანხის დაფარვა მოხდება ეტაპობრივად შესრულებული სამუშაოს შესაბამისად მიმწოდებლის მიერ წარმოდგენილი, ფორმა №2 და ინსპექტირების ჯგუფის მიერ დასრულებული ეტაპის მიღება-ჩაბარების შესაბამისად 28.57%-ის ოდენობით დაკავებით.

9.6. წინასწარი ანგარიშსწორების თანხის სრული დაფარვა უნდა მოხდეს მიმწოდებლის მიერ მოწოდებული გრაფიკის შესაბამისად და სრულად შესრულებული სამუშაოს 70 პროცენტის დასრულებისას.

9.7. მიმწოდებელთან ანგარიშსწორება განხორციელდება შემდეგი წესით: მიღება-ჩაბარების აქტის მხარეთა მიერ ხელმოწერისთანავე 10 სამუშაო დღის განმავლობაში:

სს „თიბისი ბანკი“

ბანკის კოდი _ TBCBGE22

ანგარიშსწორების ანგარიში- GE09TB7041936050100005

10. ფასები

10.1 შემსყიდველის მიერ სამუშაოს შესრულების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

11. ხელშეკრულებაში ცვლილებების შეტანა

11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა "სახელმწიფო შესყიდვების შესახებ" საქართველოს კანონის მოთხოვნათა გათვალისწინებით.

11.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით ნაკისრი ვალდებულებები.

13. კონტრაქტორები

13.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა კონტრაქტის შესახებ, თუ ეს უკვე არ არის მითითებული სატენდერო წიანდადებაში.

13.2 ამ ხელშეკრულების ფარგლებში დადებული ყველა კონტრაქტის ასლი უნდა წარედგინოს შემსყიდველს.

13.3 ამ ხელშეკრულების ფარგლებში დადებული არც ერთი კონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. ხელშეკრულების პირობების შეუსრულებლობა

15.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები;

15.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

15.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 პროცენტს, მხარეებს უფლება აქვთ შეწყვიტოს ხელშეკრულება.

15.4 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

16. ხელშეკრულების შეწყვეტა მისი პირობების შეუსრულებლობის გამო

16.1 მხარეთა ურთიერთშეთანხმების საფუძველზე შესაძლებელია შეწყდეს სახელმწიფო შესყიდვების ხელშეკრულება.

16.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი შესასრულებელი სამუშაო ან მისი ნაწილი;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

16.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

16.5 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული სამუშაოს ღირებულება.

16.6 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

16.7 მიმწოდებლის მიერ ტექნიკურ დოკუმენტაციით განსაზღვრული სამუშაოს შესრულების გეგმა-გრაფიკის უხეში დარღვევის შემთხვევაში, როდესაც სამუშაოების მიმდინარეობა ხელშეკრულებას თანდართული სამუშაოების შესრულების გრაფიკს ჩამორჩება 30%-ის ოდენობით, შემსყიდველის იტოვებს უფლებას ცალმხრივად წერილობითი შეტყობინების საფუძველზე შეწყვიტოს ხელშეკრულება.

16.8 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, ან/და მიმწოდებლის მიერ 7 სამუშაო დღის განმავლობაში გაგრძელდება გეგმა-გრაფიკის დარღვევა შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

16.9 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

17. ფორს-მაჟორი

17.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

17.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან.

და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნასომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

18. სადაო საკითხების გადაწყვეტა

18.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

18.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს.

19. გამოყენებული სამართალი

19.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

20. ხელშეკრულების ენა

20.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

21. შეტყობინება

21.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

21.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

22. გადასახადები და დაბეგრა

22.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდლების გადახდაზე.

23. ხელშეკრულების მოქმედების ვადა

23.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 20 აპრილის ჩათვლით.

24. ინტერესთა კონფლიქტი

24.1. სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი და კონტროლის განმახორციელებელი პირები სრულად აკმაყოფილებენ ამ კანონის მოთხოვნას და არ იმყოფებიან ინტერესთა კონფლიქტში მიმწოდებელთან.

25. წინამდებარე ხელშეკრულება ადასტურებს შემდეგს

25.1 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

25.2 ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

- ა) წინამდებარე ხელშეკრულება;
- ბ) მიმწოდებლის მიერ წარმოდგენილი სატენდერო წინადადების შესაბამისი შესასრულებელი სამუშაოს ხარჯთაღრიცხვა (დანართები №1-2);
- გ) შესასრულებელი სამუშაოს გრაფიკი და ვადები (დანართები №3-5);
- დ) ტექნიკური პირობები;

25.3 მიმწოდებელი იღებს ვალდებულებას შეუსრულოს შემსყიდველს ზემოაღნიშნული შესასრულებელი სამუშაოები ხელშეკრულების პირობების შესაბამისად.

25.4 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.

25.5 ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად.

25.6 ხელშეკრულება დადებულია ქართულ ენაზე, ოთხ ეგზემპლიარად, რომელთაგან თითოეულს აქვს თანაბარი იურიდიული ძალა, ამათგან ერთი გადაეცემა მიმწოდებელს, ხოლო დანარჩენი სამი რჩება შემსყიდველს.

26. ხელშეკრულების მხარეთა ხელმოწერები
და საბანკო რეკვიზიტები

შემსყიდველის სახელით:
ახალციხის მუნიციპალიტეტის
მერი
ზაზა მელიქიძე



(ბ.ა.)


ქ. ახალციხე, კოსტავას ქ. №18
ს/ნ 224101317
akhaltsikhemia@gmail.com

მიმწოდებლის სახელით:
შპს „ნიუ პროექტ NEW PROJECT“
დირექტორი
დავით ჩაჩანიძე



(ბ.ა.)


ქ. ახალციხე, სულხან-საბას ქ., კორპ. №13, ბ.7
სს „თი-ბი-სი ბანკი“
ბანკის კოდი: TBCBGE22
ა/ა GE09TB7041936050100005
ს/კ 424065736
ელ-ფოსტა: chachanidze1977@gmail.com
საკონტაქტო ინფორმაცია: 599-18-08-04

**2017 წლის 07 დეკემბრის №07 ხელშეკრულების (SPA170013816) ინფორმაცია
ინტერესთა კონფლიქტის შესახებ**

ქ.ახალციხე

07 დეკემბერი 2017 წელი

ჩვენ, ქვემოთ ხელის მომწერნი, ახალციხის მუნიციპალიტეტის თვითმმართველი ერთეულის (ს/კ 224101317) მერის 2017 წლის 22 ნოემბრის №14 07 ბრძანებით შექმნილი მიღება-ჩაბარების კომისიის წევრები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, არ ვიმყოფებით ინტერესთა კონფლიქტში შპს „ნიუ პროექტ NEW PROJECT“-ისთან.

კომისიის წევრები:

კომისიის თავმჯდომარე - ახალციხის
მუნიციპალიტეტის მერიის პირველი მოადგილე :



გურამი მელიქიძე

კომისიის თავმჯდომარის მოადგილე - ახალციხის
მუნიციპალიტეტის საკრებულოს
თავმჯდომარის მოადგილე:



იოსებ კაპანაძე

კომისიის წევრი - ახალციხის მუნიციპალიტეტის
საკრებულოს საფინანსო - საბიუჯეტო
კომისიის თავმჯდომარე:



მანანა ბალიაშვილი

კომისიის წევრი - ახალციხის მუნიციპალიტეტის მერიის,
პირველადი სტრუქტურული ერთეულის საფინანსო-საბიუჯეტო
სამსახურის ხელმძღვანელი:



გელა ლომიძე

კომისიის წევრი - ახალციხის მუნიციპალიტეტის მერიის,
მეორადი სტრუქტურული ერთეულის ტექნიკურ - ეკონომიკური
განყოფილების ხელმძღვანელი:



სტეფანე კაკაჩიშვილი

კომისიის წევრი - ახალციხის მუნიციპალიტეტის მერიის,
მეორადი სტრუქტურული ერთეულის მუნიციპალური ქონების
აღრიცხვისა და მართვის განყოფილების ხელმძღვანელი:



ეკატერინე ხართიკაშვილი

2017 წლის 07 დეკემბრის №07 ხელშეკრულების (SPA170013816) ინფორმაცია
ინტერესთა კონფლიქტის შესახებ

ინსპექტირების ჯგუფი:

ჯგუფის უფროსი პირველადი სტრუქტურული ერთეულის
- ახალციხის მუნიციპალიტეტის მერიის ზედამხედველობის
სამსახურის ხელმძღვანელი:

ემზარი მღებრიშვილი

მეორადი სტრუქტურული ერთეულის - მშენებლობისა და
რეაბილიტაციის ზედამხედველობის განყოფილების
ხელმძღვანელი:

ბესარიონ მიქელაძე

პირველი კატეგორიის უფროსი სპეციალისტი
მშენებლობისა და რეაბილიტაციის მართვის
საკითხებში:

გაბრიელ ბალახაშვილი

პირველი კატეგორიის უფროსი სპეციალისტი
გზებისა და ხაზოვანი ნაგებობების საკითხებში:

ვასილ ოზოლაშვილი

მეორე კატეგორიის უფროსი სპეციალისტი
გზებისა და ხაზოვანი ნაგებობების საკითხებში:

გიორგი ბარძიმაძე

მეორადი სტრუქტურული ერთეულის - სივრცითი მოწყობისა
და კეთილმოწყობის ზედამხედველობის განყოფილების
ხელმძღვანელი:

ალექსანდრე ჯაღიაშვილი

სივრცითი მოწყობისა და კეთილმოწყობის
ზედამხედველობის განყოფილების პირველი
კატეგორიის უფროსი სპეციალისტი:

მიხეილ ვარდიძე

სივრცითი მოწყობისა და კეთილმოწყობის
ზედამხედველობის განყოფილების მეორე
კატეგორიის უფროსი სპეციალისტი:

გიორგი დიაკონაშვილი

მეორადი სტრუქტურული ერთეულის -
პროექტების მართვის განყოფილების
ხელმძღვანელი:

შოთა მერაბიშვილი

2017 წლის 07 დეკემბრის №07 ხელშეკრულების (SPA170013816) ინფორმაცია
ინტერესთა კონფლიქტის შესახებ

მეორადი სტრუქტურული ერთეულის -
ტექნიკურ-ეკონომიკური განყოფილების
ხელმძღვანელი:



სტეფანე კაკაჩაშვილი

მეორადი სტრუქტურული ერთეულის -
სივრცითი მოწყობისა და არქიტექტურის
განყოფილების ხელმძღვანელი:



ალექსანდრე მელიქიძე

მეორადი სტრუქტურული ერთეულის -
ურბანული დაგეგმარების განყოფილების
ხელმძღვანელი:



ვლადიმერ ნათუნაძე

პირველი კატეგორიის უფროსი
სპეციალისტი ურბანული დაგეგმარების
საკითხებში:



ზურაბ გოგოლაური